

四庫全書存目叢書編纂委員會編



齊魯書社

四庫全書存目叢書

子部
第九九冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

287/05

四庫全書存目叢書·子部九九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 50.5 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第九九冊目次

子部·雜家類

事物攷辯六十三卷(二)

〔清〕周象明輯
故宮博物院圖書館藏清康熙二十四年周德宣鈔本

..... 一

天祿識餘八卷

〔清〕高士奇輯
中國科學院圖書館藏清康熙刻本

..... 一九九

畏壘筆記四卷

〔清〕徐昂發撰
中央民族大學圖書館藏清康熙桂森堂刻本

..... 二八六

古今釋疑十八卷

〔清〕方中履撰
中國科學院圖書館藏清康熙汗青閣刻本

..... 三三九

事物攷辨六十三卷(二)

〔清〕周象明輯

故宮博物院圖書館藏清康熙二十四年周

德宣鈔本

附《四庫全書總目·事物考辨

六十二卷》提要

事物攷辨卷之四三

太倉周象明懸著氏輯

姪 裕南卓氏訂
男德宣常吉氏錄

宵貌

宵貌

漢書刑法志人宵天地之貌應劭曰宵類也頭圓象天足方象地師古曰宵與肖同

圩頂

凌迪知太史華句孔子世家生而首上圩頂索隱曰孔子

事物攷辨卷之四三

宵貌

一

帶經堂

頂如反字中低而四傍高也

方頭

趙德麟侯鯖錄今人謂拙直者為方頭陸魯望詩曰頭方不會王門事塵土空縑白苧衣亦有此出處矣

賈長頭

後漢書賈逵自為兒童常在太學不通人間事身長八尺二寸諸儒為之語曰問事不休賈長頭

范長頭

南史范岫長七尺八寸姿容奇偉范雲謂人曰諸君進止

威儀當問范長頭以岫多識前代舊事也

科頭

宋楊伯玉臆乘俗謂不衣冠為科頭非也此二字出史記張儀傳注云不着兜鍪入敵也

魁頭

而漢博聞東夷傳馬韓人大率皆魁頭露紒注云魁頭猶言科頭以髮紒統成科結也結音計

魁結

漢書陸賈傳賈至尉佗魁結箕踞見賈服虔曰魁音椎師事物攷辨卷之四三

肖貌

二

帝經堂

古曰結讀曰髻言一撮之髻其形如椎箕踞其形如箕也

獐頭

唐書李揆為相苗晉卿數薦元載於揆揆輕載地寒謂晉卿曰龍章鳳姿士不見用獐頭鼠目子乃求官耶載聞而銜之及載秉政揆流落十六年

質首

戰國策甘茂與樛里疾為質首之仇注云質首者願以己首易人之首也

首級

程大昌演繁露衛青傳斬三千七百級師古曰本以斬敵一首拜爵一級故名首級

髻髮

凌迪知而漢書言伏湛傳髻髮屬志白首不衰注云髻髮謂童子垂髮也

宣髮

容齋隨筆大易巽為寡髮釋文云亦作宣髮黑白禿為宣髮

明按雲谷雜記云今人年壯而髮白者謂之蒜髮猶言

事物攷辨卷之四三

肖貌

三

帝經堂

宣髮也

鵲髮

西漢書言承宮傳鵲髮注云白髮也

華顛

全上崔駰傳華顛注云顛頂也謂白首也

素領

釋常談項後白髮謂之素領漢馮唐白首為郎官素髮垂領

異相

王充論衡傳言黃帝龍顏顙項戴午帝嘗駢齒充眉八米
舜目重瞳禹耳三漏湯臂再肘文王四乳武王皇陽周公
背倭臯陶馬口孔子反羽蒼頡四目為黃帝史晉公子重
耳仇協為諸侯伯蘇秦骨聳為六國相張儀仇協亦相秦
魏項羽重瞳云虞舜之後與高祖分王天下

日月角

管子子產曰角晏平仲月角尾生犀角柳下惠史角反角

鼎角匿犀

西漢博聞李固傳國狀貌有奇表鼎角匿犀足履龜文注
事物攷辨卷之四三

肖貌

四

帝經堂

云鼎角頂有骨如鼎足也匿犀伏犀也謂骨當額上入髮
隱際隱起也足履龜文者二千石見相書

龍犀入角

文選錦字錄劉孝標命運論曰龍犀入角帝王之表注云
額有龍犀入髮際左角為日帝王之相也

日角龍顏

南史梁武帝日角龍顏重岳虎頰舌文八字項有浮光身
映日無影兩跨駢骨

淵角山庭

文選錦字錄任昉王文憲序云淵角殊祥山庭異表注云
賢人之相也

雕題交趾

禮記正義雕題謂以丹青雕刻其額也交趾謂卧時頭向
外足在內而相交故曰交趾

眉宇

文選枚乘七發陽氣見於眉宇之間注云陽氣喜氣也眉
宇額間也

盱衡

事物攷辨卷之四三

肖貌

五

帝經堂

西漢博聞王莽傳盱衡厲色振揚武怒孟康曰眉上曰衡
盱舉目大視也

明按續博物志揚雄謂揚眉曰揚衡

清揚

丘光庭兼明書齊風美目清兮又曰美目揚兮毛傳云揚
眉也孔疏曰眉毛揚起故名眉為揚是不顧經文妄為臆
說也蓋揚者目開大之貌禮記云揚其目而視之是也毛
傳又云目上為清目下為明亦非也清者目中黑白分明
如水之清也

玉樓銀海

侯鯖錄蘇東坡在黃州作雪詩曰凍合玉樓寒起粟光搖銀海眩生花人不知其使事也後過金陵荆公論詩及此云道家以西肩為玉樓以目為銀海是使此事否坡公笑之退謂葉致遠曰學荆公者豈有此博學哉

望羊

說類史記孔子世家孔子稱文王眼如望羊王肅注曰望羊視也而不言其義按漢書注鄭玄曰羊畜之能遠視者也以此言之孔子稱文王之明能遠也

事物攷辨卷之四三

肖貌

六

帶經堂

明按釋名望羊羊陽也言陽氣在上舉頭高若望之也此說近是

方眼

葛洪神仙傳許昌人李根兩目腫子皆方年七百餘歲

明按道書云眼方者壽千歲陶弘景年踰八十一眼有時而方然則非生而眼方也

青精

南史陳徐陵字孝穆目有青精時人以為聰慧之相

重瞳

劉勰新論舜目重瞳是至明之相而王莽項羽亦重瞳越王勾踐長頸鳥喙非善終之相而大禹亦長頸鳥喙王莽之重瞳譬鴛馬有驥之一毛而不可謂之驥也勾踐長頸鳥喙猶蛇有龍之一鱗而不可謂之龍也

明按餘冬序錄曰舜重瞳項羽亦重瞳是重瞳不必皆仁也越王長頸鳥喙大禹亦長頸鳥喙是長頸鳥喙不必皆仁也彼皮相者其足與論士乎

蜂目

晉書王敦傳潘滔見敦而目之曰處仲蜂目已露但計聲事物攷辨卷之四三

肖貌

七

帶經堂

未振耳若不噬人亦當為人所噬

狼顧

晉書魏武帝聞司馬懿有狼顧相欲驗之乃召使前行令反顧正而後而身不動

清瞳

揚雄甘泉賦王女無所眇其清瞳兮宓妃曾不得施其蛾眉注云清瞳目瞳子也

睚眦

西漢博聞杜欽傳報睚眦怨師古曰睚音崖舉眼也眦即

皆字謂目匡也言舉目相忤者即報之一說兩字皆去聲

目成

楚詞忽與予兮目成注云以目相視成親好也

蒿目

山堂肆政莊子今世之仁人蒿目而憂當世之患注云蒿目謂半閉其目也一說瞻視之間憂思未定也

面有斗文

金壘子朱紫陽面上具斗文為文章之瑞明宋濂亦然政事物政辨卷之四三

肖貌

八

帝經堂

晉書桓溫傳溫面有七星則亦不盡為文章之瑞也

隆準

西漢雋言高紀隆準而龍顏李斐曰準鼻也

欽頤折額

西漢博聞周燮生而欽頤折額狀駭人注云頤頤也欽頤曲頤也頤鼻莖也折亦曲也

明按揚雄解嘲云蔡澤山東之匹夫也頤頤折額注云頤頤口向前引也折額謂無鼻莖也此漢書注更明

快

粹胡

漢書金日磾傳莽何羅走趨卧內欲入觸瑟僮日磾得抱何羅左右拔刀欲格之上恐并中日磾止勿格粹何羅胡投殿下注云胡頸也

明按胡頤也狠跋其胡是也

耳白於面

孔平仲說苑歐陽修耳白於面名滿天下唇不著齒無事得謗

耳有三門

事物政辨卷之四三

肖貌

九

帝經堂

史記正義老子身長八尺黃色美眉長耳大目廣額踈齒方口厚唇額有三五達理日月月懸鼻純骨毀柱耳有三門足蹈二五手把十文

明按帝王世紀曰老聃初生而髮白故號老子

縱理入口

金壘子周亞夫鄧通梁武帝皆縱理入口雖極富貴而終餓死然南史梁水軍都督褚繇亦縱理入口而得保衣食以終則是相術不足憑也

輔車

釋名輔車骨強所以輔持口也或曰牙車牙所載也或曰
頤車頤含也口含物之車也或曰頤車亦所以載物也或
曰鼪車鼪鼠之食積於頤人食似之故取名也凡係於車
皆取在下載上物也

明按左傳輔車相依注云輔頤也車牙車也輔車一處
分為二名耳輔為外表車是內骨故云相依

金齒

永昌府志以金裝兩齒者謂之金齒蠻漆其齒者曰黑齒
蠻文其面者曰繡面蠻繡其足者曰花脚蠻綵繩束髮者
事物攷辨卷之四三

曰花角蠻總謂之百夷

齒黃

餘冬序錄嵇康養生論曰齒居晉而黃五臣不能解吾子
行謂觀醫說乃得其旨云晉地多棗人常懷之袖中若粵
人之嗽橄欖則知味甘傷脾故齒黃也

咳唾

莊子漁父篇孔子曰曩者先生有緒言而去立不肖未知
所謂竊待於下風幸聞咳唾之音以卒相立也

蛙聲之誤

天中記王莽贊云紫色蛙聲餘分閔位本謂以偽亂真耳
言莽之得漢如紫
之奪朱蛙之亂龍顏之推共人讀書言及王莽形狀有一
俊士自許史學名價甚高乃云王莽非直鵠日虎吻亦紫
色蛙聲

握攘

孝經援神契舜手握攘宋均注云手中有攘字

有文在手

金罍子西伯生有文在手曰昌唐叔虞生有文在手曰虞
魯仲子生有文在手曰為魯夫人季子生有文在手曰友
事物攷辨卷之四三

劉元海生有文在手曰淵梁武帝生有文在手曰武隋文

帝生有文在手曰王然漢書王莽傳甄尋手理有天子字

卒為莽僂死晉書康帝建元二年衛將軍陳請女臺有文

在其足曰天下之母灸之愈明有司收繫以聞俄自歿亡

走迄無他祥

爰臂

西漢博聞李廣爰臂如淳曰臂如猿臂通肩也爰與

錯臂

凌迪知太史華句趙世家剪髮文身錯臂左衽索隱曰錯

臂以丹素錯畫其臂也

股弁

西漢博聞嚴延年為涿郡太守按大姓高氏獄吏皆股弁師古曰股戰若弁謂撫手也

五指名

春秋正義手五指之名曰巨指食^指將指無名指小指

枝指

莊子駢母枝指出乎性哉而侈於德附贅懸疣出乎形哉而侈於性注云拇足大指也駢合也指手指也枝旁生也事物攷辨卷之四三

三乳

新唐書高祖體有三乳左腋下有紫誌如龍

四乳

宛委餘編周文王四乳宋范鑑暨其子百常亦四乳國朝倪文僖謙亦四乳

蓬心

莊子謂惠子曰今子有五石之瓠何不慮以為大樽而浮於江湖而憂瓠落無所容則夫子猶有蓬之心也注云蓬心猶云茅塞其心也

心儀

漢書許后傳心儀霍將軍注云心儀謂心附向之也

肺膺

唐書封倫善矯飾人莫探其肺膺

納肝

呂覽衛懿公有臣弘演出使翟人攻殺懿公盡食其肉獨舍其肝弘演至報使於肝呼天而啼盡哀而止曰臣請為祿因自殺先出其腹實而納懿公之肝齊桓公聞之復立衛於楚立

事物攷辨卷之四三

肖貌

圭

帶經堂

貌侵

侯鯖錄細素雜記史記武安侯列傳云武安者貌侵韋昭注云侵音寢短小也又云醜惡也服虔止讀如本字

明按侵字兼短小醜惡二義晉書左思貌寢口訥唐書歐陽詢貌寢倪南史王筠狀貌寢小皆以侵為寢循習之誤也

么麼

釋常談身小謂之么麼蓋嘗君為么麼丈夫不長曰么細小曰麼

戰瘰

西漢博聞趙充國傳軍士寒手足皸瘃文頴曰皸坼裂也

瘃寒創也師古曰皸音軍瘃竹足反

明按皸亦作龜莊子云不龜手之藥是也

摸書知字

隋書盧大翼幼稱神童後目盲以手摸書而知其字

胼謂之胼

歸正集史記云禹手足胼胝亦謂之胼胝

慍抵

教坊記慍抵謂振氣也

事物攷辨卷之四三

肖貌

齒

帝經堂

齒牙

示兒編或疑昌黎去年落一牙今年落一齒為煩莫不知齒牙固自有別在頰為牙當唇為齒非一物而異其名也

事物攷辨卷之四十四

太倉周象明懸著氏輯

姪 裕南卓氏訂
男德宣常吉氏錄

稱謂

胥庭

而漢馬詞仲長統傳世非胥庭人乘轂飲注云赫胥大庭古之帝號莊子曰夫聖人鵠居而轂飲言如鵠鳥之無常居轂飲之不假物也

三皇

事物攷辨卷之四四

稱謂

一

帝經堂

禮記註疏鄭玄以伏羲女媧神農為三皇宋均以燧人伏羲神農為三皇白虎通義以伏羲神農祝融為三皇惟孔安國以伏羲神農黃帝為三皇至今因之

明按丘光庭兼明書曰女媧燧人祝融經典未嘗以帝王言之且祝融乃顓頊時火官之長可列於三皇乎諸說惟孔氏為長

五帝

禮記註疏康成以黃帝少昊顓頊帝嚳堯舜為五帝六人而五者以其俱合五帝座星也太史公以黃帝顓頊帝嚳

堯舜為五帝孔安國以少昊顓頊高辛堯舜為五帝

明按堯明書曰康成以女媧為皇軒轅為帝夫軒轅之德不劣於女媧何故不稱皇而淪之入帝仍為六人哉攷其名跡未為允當太史公近遺少昊而遠收黃帝其為踈畧一至於此安國精詳可為定論

帝王稱謂

名原燧人始稱皇少昊始稱帝禹始稱王商人始稱天子周穆王始稱堯為皇帝孔子始稱王為天王漢人始稱天子為官家司馬遷始稱天子為上哲人始稱天子為大家事物攷辨卷之四四

稱謂

二

帝經堂

皇帝

堯明書凡言有通析_二而言之則皇尊於帝通而言之則帝皇一也月令云其帝太皞則伏羲亦謂之帝呂刑云皇帝清問下民則堯亦可謂之皇也

夏殷稱帝

釋史彙編太史公夏本紀云帝禹至於帝履癸殷本紀云帝太甲至於帝紂周本紀云周武王為天子其後世貶帝號為王索隱_四夏殷天子亦皆稱帝後以德薄不及五帝始貶帝號為王故本紀皆曰帝而總曰三王也

殷商

尚書大全盤庚遷于殷商人從此改號曰殷前此未有殷名也雖堯號為殷而商名不改有堯稱殷商者如大雅云殷商之旅曰咨汝殷商是也

代魏

井觀瑣言元魏石刻有大代修華岳碑歐公集古錄跋其尾曰魏道武天興元年議定國號群臣稱代道武不許乃仍稱魏是後無改國稱代之事魏碑數有之碑石當時所刻不應妄但史失其事耳崔浩曰昔太祖應天受命堯事物攷辨卷之四四

稱謂

三

帝經堂

稱代魏以法殷商則當時雖未嘗改國稱代然二號固嘗並稱矣

西漢年號

綱鑑目西漢武帝改元十一_{歷代年號}自武帝始建元六年元朔六年元鼎六年元封六年太初四年天漢四年太始四年征和四年後元二年昭帝改元三始元六年元鳳六年元平一年宣帝改元七本始四年地節四年元康四年神爵四年五鳳四年甘露四年黃龍一年元帝改元四初元五年永光五年建昭五年竟寧一年成帝改元七建始四年河

平四年陽湖四年鴻嘉四年永始四年元延四年綏和二年哀帝改元二建平四年元壽一年平帝改元一元始五年

明按趙與時賓退錄葛文康詳古云漢文帝改後元年景帝又改中元年後元年武帝屢改年號亦有後元不知當時何據而分中與後且謂之後則疑若有極抑當時有先知之識耶余謂不然漢之諸帝不過改元耳後人因其有二元則別以為後因其有三元則冠以中非常時本稱也武帝雖屢更元號最後不曾命名獨稱元事物攷辨卷之四四

稱謂 四 帝經堂

東漢年號

同上東漢光武帝改元二建武三十年中元一年明帝改元一永寧十八年章帝改元三建初八年元和三年章和二年和帝改元二永元十六年元興一年殤帝改元一延平一年安帝改元五永初七年元初六年永寧一年建元一年延光四年順帝改元五永建六年陽嘉四年永和六年漢安二年建康一年冲帝改元一永嘉一年質帝改元

一本初一年桓帝改元七建和三年和平一年元嘉二年永興二年永壽三年延熙九年永康一年靈帝改元四建寧四年熹平七年光和七年中平六年廢帝改元二光熹一年昭寧一年獻帝改元三初平一年興平二年建安二十五年

後漢年號

同上昭烈帝改元一章武二年後帝改元四建興十五年延熙二十年景耀六年炎興一年

晉年號

事物攷辨卷之四四

稱謂 五 帝經堂

同上武帝改元四泰始十年咸寧五年泰康十年太熙一年惠帝改元七永熙一年永平一年元康九年永康一年永寧二年永元一年建武一年光熙一年懷帝改元一永嘉七年愍帝改元一建興五年元帝改元三建武九年大興二年永昌一年明帝改元一太寧二年成帝改元二咸和九年咸康八年康帝改元一建元二年穆帝改元二永和十二年升平五年哀帝改元二隆和一年興寧二年帝奕改元一太和六年簡文帝改元一咸和二年孝武帝改元二寧康三年太元二十一年安帝改元三隆安五年元

興三年義熙十四年恭帝改元一元熙二年

南朝宋年號北朝魏

同上宋武帝改元一永初三年少帝改元一景平一年文帝改元一元嘉三十年孝武帝改元二孝建三年大明八年廢帝改元一景和一年明帝改元二泰始七年恭帝一年蒼梧王改元一元徽五年順帝改元一昇平三年

南朝齊年號北朝魏

同上齊高帝改元一建元四年武帝改元一永明十一年明帝改元一建武五年東昏侯改元一永元一年和帝改事物改稱卷之四四
稱謂
六 帶經堂

元一中興二年

南朝梁年號北朝魏東魏北齊

同上梁武帝改元七天監十七年普通七年大通二年中大通六年大同十年中大同一年太清三年簡文帝改元一大寶二年元帝改元一承聖三承敬帝改元二紹泰一年太平二年

南朝陳年號北朝魏後周

同上陳武帝改元一永定三年元帝改元二天嘉六年天康一年臨海王改元一光大二年宣帝改元一大建十四

年後主改元二至德三年禎明三年

南朝隋年號北朝魏後周北齊

同上隋文帝改元二開皇二十年仁壽四年煬帝改元一大業十二年恭帝改元一義寧二年

唐年號

同上唐高祖改元一武德九年太宗改元一貞觀三十三年高宗改元十四永徽六年顯慶五年龍朔三年麟德二年乾封一年總章二年咸亨四年上元一年儀鳳三年調露一年永龍一年開耀一年永淳一年弘道二年中宗改事物改稱卷之四四
稱謂
七 帶經堂

元三嗣聖九年神龍二年景隆三年玄宗改元二開元二十九年天寶十五年肅宗改元四至德二年乾元二年上元二年寶應一年代宗改元三廣德二年永泰一年大曆十四年德宗改元三建中四年興元一年貞元二十一年順宗改元一永貞一年憲宗改元一元和十五年穆宗改元一長慶四年敬宗改元一寶曆二年文宗改元二太和九年開成五年武宗改元一會昌六年宣宗改元一大中十三年懿宗改元一咸通十四年僖宗改元五乾符六年廣明六年中和四年光啓二年文德一年昭宗改元七龍

紀二年大順三年景福二年乾寧四年光化三年天復一
年天祐一年昭宣帝仍用天祐年號

後梁年號附吳

同上大祖改元二開元四年乾化三年均王改元二貞明
六年龍德三年

後唐年號附吳

同上莊宗改元一同光三年明宗改元二天成四年長興
四年閔帝改元一應順二年潞王改元一清泰二年

後晉年號

事物攷辨卷之四四

稱謂

八

帝經堂

同上高祖改元一天福七年齊王改元一開運二年

後漢年號附吳丹改

同上高祖改元一乾祐二年隱帝仍舊

後周年號

同上太祖改元一廣順三年世宗改元一顯德六年恭帝
仍舊

宋年號附遼

同上宋太祖改元三建隆三年乾德五年開寶九年太宗
改元五太平興國八年雍熙四年端拱二年淳化五年至

道二年真宗改元五咸平六年景德四年大中祥符九年

天禧五年乾興一年仁宗改元九天聖九年明道二年景

祐四年寶元二年康定一年慶曆八年皇祐五年至和一

年嘉祐八年英宗改元一治平四年神宗改元二熙寧十

年元豐八年哲宗改元三元祐五年紹聖四年元符三年

徽宗改元六建中靖國一年崇寧五年大觀四年政和七

年重和一年宣和七年欽宗改元一靖康二年南宋高宗

改元二建炎四年紹興三十二年孝宗改元三隆興二年

乾道九年淳熙十六年光宗改元一紹熙五年寧宗改元

事物攷辨卷之四四

稱謂

九

帝經堂

四慶元六年嘉泰四年開禧三年嘉定十七年理宗改元

八寶慶三年紹定六年端平三年嘉禧四年淳祐十二年

寶祐六年開慶一年景定五年度宗改元一咸淳十年恭

宗改元一德祐二年端宗改元一景炎三年帝昺改元一

祥興二年

元年號

同上元世祖改元一至元三十一年成宗改元二貞元二
年大德十一年武宗改元一至大四年仁宗改元二皇慶
二年延祐七年英宗改元一至治四年泰定帝改元二泰

定四年致和一年文帝改元二天曆一年至順二年順帝
改元三元統二年至元六年至正二十七年

明年號

同上太祖高皇帝洪武三十一年建文皇帝四年成祖文
皇帝永樂二十二年仁宗昭皇帝洪熙一年宣宗章皇帝
宣德十年英宗睿皇帝正統十四年景皇帝景泰七年英
宗復辟改天順八年憲宗純皇帝成化二十三年孝宗敬
皇帝弘治十八年武宗毅皇帝正德十六年世宗肅皇帝
嘉靖四十五年穆宗莊皇帝隆慶六年神宗顯皇帝萬曆
事物攷辨卷之四四
稱謂 十 帶經堂
四十八年光宗貞皇帝泰昌一年熹宗哲皇帝天啓七年
思宗烈皇帝崇禎十七年

明按前漢書武帝建元元年顏師古註曰自古帝王未
有年號年號寔始於此竹書紀年通譜曰道書有赤明
上皇無極永壽等號楊雄蜀王本紀云望帝禪位鵲靈
稱叢帝號方通似前此已有之者然亦荒遠而無稽矣
元后羣后

日知錄人君之號唐虞曰帝夏曰后商曰王然帝王天子
所專后則諸侯皆得稱之諸侯謂之群后惟天子獨稱后

后

皇帝

春秋繁露德脩天地者稱皇帝天祐而子之曰天子

稱天子

明于慎行穀城筆塵西漢臣子稱朝廷為縣官東漢稱天
子為國家北朝稱家家唐稱聖亦稱大家天家宋稱官家
勝國稱皇上皆臣子私稱非對御之言也西漢私語亦稱
殿下遼金稱郎主

明按唐末宮中稱天子為宅家如十六宅諸王為劉李
事物攷辨卷之四四
稱謂 十 帶經堂

述所聞升屋呼曰宅家救兒父按獨斷云天子無外以
天下為家故曰天家

萬歲

釋史彙編呂氏春秋宋康王飲酒室中有呼萬歲者堂上
悉應萬歲之稱自此始按東漢臣下多呼萬歲馮衍既降
群盜赦其罪各返農桑皆稱萬歲耿於虜園中得井得
泉以濟兵渴眾稱萬歲惟竇憲為將軍至長安尚書以下
議欲拜之伏稱萬歲韓稜正色曰禮無臣下稱萬歲之制
議者皆慚自是臣下無敢稱萬歲者矣